



Ukoliko Nosilac pripreme za izradu Plana usvoji Osnovnu koncepciju Plana, Nosilac izrade Plana će izraditi Prednacrt Plana i dostaviti ga Nosiocu pripreme za izradu Plana radi utvrđivanja Nacrta Plana.

Nosilac pripreme za izradu Plana će utvrditi Nacrt Plana i podnijeti ga Općinskom vijeću na razmatranje i stavljanje na javni uvid i raspravu u trajanju od 30 dana.

**Član 9.**

Na osnovu rezultata Javne rasprave i stava o Nacrtu Plana Nosilac pripreme za izradu Plana utvrditi će Prijedlog Plana i podnijeti ga Općinskom vijeću Ilidža na donošenje. Sastavni dio Prijedloga Plana je "Elaborat troškova uređenja građevinskog zemljišta", koji će uraditi Zavod za izgradnju Kantona Sarajevo.

**Ostale odredbe**

**Član 10.**

Subjekti planiranja su: Ministarstvo prostornog uređenja i zaštite okoliša KS, Ministarstvo saobraćaja KS, Općina Ilidža, Zavod za izgradnju Kantona Sarajevo, Zavod za planiranje razvoja KS, komunalna i javna komunalna preduzeća, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

**Član 11.**

Utvrđuje se režim zabrane građenja do donošenja Plana, a najduže dvije godine. Režim zabrane građenja ne odnosi se na investitore koji su stekli pravo gradnje na ovom lokalitetu na osnovu donesenih rješenja u upravnom postupku (rješenja o dodjeli građevinskog zemljišta u svrhu izgradnje, važeće urbanističke saglasnosti ili odobrenja za građenje) koji mogu nastaviti započetu proceduru.

Zabrana građenja iz stava 1. ne odnosi se na postojeće objekte za koje se provodi postupak utvrđen članom 7. Zakona o prostornom uređenju Kantona Sarajevo (rekonstrukcija, dogradnja, nadzidivanje, sanacija, konzervacija i drugi zahvati), i Odlukom o legalizaciji građevina izgrađenih bez odobrenja za građenje i građevina privremenog karaktera.

**Član 12.**

Sastavni dio ove Odluke je grafički prilog sa ucrtanom granicom područja planiranja.

**Član 13.**

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-3053/13-5  
07. augusta 2013. godine  
Ilidža

Predsjedavajuća  
**Smiljana dr. Viteškić, s. r.**

Na osnovu člana 26. Zakona o popisu stanovništva, domaćinstva i stanova u Bosni i Hercegovini 2013. godine ("Službeni glasnik BiH", broj 10/12 i 18/13) i člana 88. stav (2) Statuta Općine Ilidža (Prečišćeni tekst - "Službene novine Kantona Sarajevo", broj 33/10), Općinsko vijeće Ilidža na 8. redovnoj sjednici održanoj dana 07.08.2013. godine, donosi

**RJEŠENJE**

**O RAZRJEŠENJU ČLANA POPISNE KOMISIJE  
OPĆINE ILIDŽA**

**I**

TAMBUR DARIO, razrješava se dužnosti člana Popisne komisije Općine Ilidža iz reda Ostalih, na lični zahtjev, sa danom 09.07.2013. godine.

**II**

Rješenje će se objaviti u "Službenim novinama Kantona Sarajevo".

Broj 01-02-3053/13-6.a  
07. augusta 2013. godine  
Ilidža

Predsjedavajuća  
**Smiljana dr. Viteškić, s. r.**

Na osnovu člana 26. Zakona o popisu stanovništva, domaćinstva i stanova u Bosni i Hercegovini 2013. godine ("Službeni glasnik BiH", broj 10/12 i 18/13) i člana 88. stav (2) Statuta općine Ilidža (Prečišćeni tekst - "Službene novine Kantona Sarajevo", broj 33/10), Općinsko vijeće Ilidža na 8. redovnoj sjednici održanoj dana 07.08.2013. godine, donosi

**RJEŠENJE**

**O IMENOVANJU ČLANA POPISNE KOMISIJE  
OPĆINE ILIDŽA**

**I**

ZEĆO NERINA, imenuje se za člana Popisne komisije Općine Ilidža iz reda Ostalih, sa danom 07.08.2013. godine.

**II**

Rješenje će se objaviti u "Službenim novinama Kantona Sarajevo".

Broj 01-02-3053/13-6  
07. augusta 2013. godine  
Ilidža

Predsjedavajuća  
**Smiljana dr. Viteškić, s. r.**

Općinsko vijeće Ilidža rješavajući po prijedlogu Radio studio "ASK" Ilidža iz Ilidže, ul. Ustanička 7/3 Ilidža, za utvrđivanje Javnog interesa, radi postavljanja predajnika, na osnovu člana 14. st. 4. Zakona o eksproprijaciji ("Službene novine Federacije BiH", br. 70/07, 36/10, 25/12), na 8. redovnoj sjednici održanoj dana 07.08.2013. godine, donosi

**ODLUKU**

I) Utvrđuje se da je od Javnog interesa postavljanje predajnika na šumskom zemljištu, pa se radi postavljanja i održavanja može pristupiti nepotpunoj eksproprijaciji - ustanovljenju služnosti na zemljištu označenom kao k.č. br. 3215/1 K.O. Hrasnica, lokalitet Golo brdo - Igman, sa upisanim pravom posjeda "Šipad Jahorina" OOUR Šumarstvo, kojoj odgovara k.č. br. 2387/1 K.O. Hrasnica, zemljište državne svojine.

II) Utvrđuje se da je Radio studio "ASK" Ilidža iz Ilidže, ul. Ustanička 7/3 Ilidža korisnik nepotpune eksproprijacije za postavljanje i održavanje predajnika na zemljištu iz tačke I ove Odluke.

III) Protiv ove Odluke može se pokrenuti upravni spor u roku od 30 dana od dana dostavljanja odluke. Tužba se podnosi neposredno nadležnom sudu.

Broj 01-31-3892/13  
07. augusta 2013. godine  
Ilidža

Predsjedavajuća  
**Smiljana dr. Viteškić, s. r.**



**ISPRAVKE**

Na osnovu člana 164. Poslovnika Skupštine Kantona Sarajevo (Drugi Novi prečišćeni tekst - "Službene novine Kantona Sarajevo", broj 41/12), Sekretar Skupštine Kantona Sarajevo, nakon predloženog zahtjeva za ispravku štamparske greške u Odluci o preuzimanju prava i obaveza osnivača i usklađivanju organizacije i poslovanja Javne ustanove "Apotheke Sarajevo" ("Službene novine Kantona Sarajevo", broj 7/12), daje sljedeću

**ISPRAVKU**

**ODLUKE O PREUZIMANJU PRAVA I OBAVEZA  
OSNIVAČA I USKLAĐIVANJU ORGANIZACIJE I  
POSLOVANJA JAVNE USTANOVE "APOTEKE  
SARAJEVO" ("SLUŽBENE NOVINE KANTONA  
SARAJEVO", BROJ 7/12)**

1. U Odluci o preuzimanju prava i obaveza osnivača i usklađivanju organizacije i poslovanja Javne ustanove "Apotheke Sarajevo" ("Službene novine Kantona Sarajevo",



broj 7/12) u članu 4. stav (2) tačka c) umjesto broja "21.42" treba da stoji broj "20.42".  
2. Ovu ispravku objaviti u "Službenim novinama Kantona Sarajevo".

Broj 01-05-22231/13  
26. augusta 2013. godine  
Sarajevo

Sekretar  
**Abid Kolašinac**, s. r.

Kantona Sarajevo, Rješenjem broj 03-05-05-4950/10 od 14.05.2010. godine pod registarskim brojem 1391. knjiga III Registra.

Broj 03-05-05-5654/13  
03. jula 2013. godine  
Sarajevo

Ministrica  
**Velida Memić**, s. r.

(O-729/13)

### KJP "SARAJEVO-ŠUME" D.O.O. SARAJEVO

Na osnovu člana 28. stav 1. tačka b) Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), člana 55. stav 1. tačka 2. Statuta KJP "Sarajevo-šume" d.o.o. Sarajevo, broj OPU-IP-1376/09 od 12.11.2009. godine i Izvještaja Komisije za provođenje Javnog konkursa za izbor i imenovanje Direktora Odjela za Internu reviziju KJP "Sarajevo-šume" d.o.o. Sarajevo, broj 0103-788-4/13 od 30.07.2013. godine, nakon obavljenog intervjua sa predloženim kandidatima Odbor za reviziju KJP "Sarajevo-šume" d.o.o. Sarajevo na svojoj 27. (dvadesetsedmoj) sjednici održanoj dana 19. augusta 2013. godine, jednoglasno je donio

#### ODLUKU

#### O IMENOVANJU DIREKTORA ODJELA ZA INTERNU REVIZIJU KJP "SARAJEVO-ŠUME" D.O.O. SARAJEVO

##### I

Čatić Hazima, dipl.ecc. imenuje se za direktora Odjela za internu reviziju KJP "Sarajevo-šume" d.o.o. Sarajevo.

##### II

Mandat direktora Odjela za Internu reviziju traje 4 (četiri) godine.

##### III

Položaj, ovlaštenja, odgovornosti i prava direktora Odjela za internu reviziju uredit će se ugovorom između Preduzeća i direktora Odjela za Internu reviziju.

##### IV

Ova Odluka stupa na snagu danom donošenja, a objavit će se u "Službenim novinama Federacije BiH" i "Službenim novinama Kantona Sarajevo".

Pravna pouka: Protiv ove Odluke može se uložiti prigovor Skupštini Preduzeća u roku od 15 (petnaest) dana od dana prijema Odluke.

Broj 0103-788-5/13  
19. augusta 2013. godine

Predsjednik  
Odbora za reviziju  
**Ismet Ramović**, s. r.

(SI-1050/13-K)

### SLUŽBENE OBJAVE

#### UDRUŽENJA

Na osnovu člana 33. stav 2. i člana 43. stav 2. tačka 2. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Znanjem u budućnost", Ministarstvo pravde i uprave donosi

#### RJEŠENJE

Prestaje sa radom Udruženje "Znanjem u budućnost", sa sjedištem u Sarajevu, ulica Hamze Hume broj 8, upisano u Registar udruženja koji se vodi kod Ministarstva pravde i uprave

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja stilista "CLOSET", Ministarstvo pravde i uprave donosi

#### RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje stilista "CLOSET", skraćeni naziv je Udruženje "CLOSET", sa sjedištem u Sarajevu, ulica BRANILACA SARAJEVA broj 24.
2. Upis je izvršen pod registarskim brojem 1831. knjiga IV Registra udruženja, dana 25.07.2013. godine.
3. Programski ciljevi i zadaci Udruženja su: Da podstiče članove Udruženja i građanstvo, da kroz edukaciju, savjetovanja i predavanja razvijaju interes i navike za stilskim oblačenjem; Da učestvuju u inicijativama, projektima i drugim aktivnostima na praćenju modnih trendova; Zalaganje za reafirmaciju i prezentaciju umjetnosti, kulture i svih oblika umjetničkog stvaralaštva koja njeguju modni stil.
4. Osoba ovlaštena za zastupanje i predstavljanje je: AMRA REDŽIĆ, predsjednik Udruženja.

Broj 03-05-05-6637/13  
25. jula 2013. godine  
Sarajevo

Ministrica  
**Velida Memić**, s. r.

(O-741/13)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "SA Volley", Ministarstvo pravde i uprave donosi

#### RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "SA Volley", skraćeni naziv je "SAV", sa sjedištem u Sarajevu, ulica ALEJA LIPA broj 5.
2. Upis je izvršen pod registarskim brojem 1839. knjiga IV Registra udruženja, dana 19.08.2013. godine.
3. Programski ciljevi i zadaci Udruženja su: Ostvarivanje vrhunskih sportskih rezultata u sportovima za koji je osnovan; Izgrađivanje sportiste kao vrhunskog takmičara i njegove ličnosti u duhu zahtjeva vremena u kojem ži vimo; Osposobljavanje stručnog kadra za rad sa vrhunskim sportistima; Rad sa juniorskim, kadetskim i dječijim selekcijama i na taj način okupljanje većeg broja zainteresovanih za bavljenje odbojkom; Predstavljanje i afirmacija Kantona Sarajevo, FBiH i države Bosne i Hercegovine na domaćim odnosno međunarodnim takmičenjima.
4. Osoba ovlaštena za zastupanje i predstavljanje je: IGOR BENIĆ, predsjednik Udruženja.

Broj 03-05-05-7460/13  
19. augusta 2013. godine  
Sarajevo

Ministrica  
**Velida Memić**, s. r.

(O-756/13)